

Crac. Acad. Univ. Facult.

Promotiones Phil. Ori.

1658. 13 Aprilis.

Pradziński Victorini: Laurea coronat



1181

kat.komp.

L

Mos. Sl. Br.

P



Biblioteka Jagiellońska



stdr0001091





# LA VREA CORONA.

*Quam*

VENERABILIBVS

Primæ in Artibus & Philosophia Laureæ  
CANDIDATIS

EXCELLENTISSIMVS VIR AC DOMINVS

D. CHRISTOPHORVS

STELLANOWIC

COLLEGA MINOR

In Peraugusto D. Iagellonis Lycæo reuirescentem,  
detersâ ferrei temporis rubigine contulit

ET

VICTORINVS RADZIMINSKI,

Ordin. Canon. Cust. SS. Sepulchri Hierosol. in  
Conuentu Miechouien. Professus; eiusdemque Laureæ  
CANDIDATVS.

*In Aprico primi Veris Theatro præsentauit*

Anno D. 1658. Die 13. Aprilis.

---

C R A C O V I Æ

*In Officina Vidue & Heredum Francisci Cesarij S. R. M. Typ.*



In Arma Ordinis Canonici Cust. SS.  
Sepulchri Hierosolymitani.

BIBLIOTHECA  
VNIV. IAGELL.  
CRACOVIENSIS.



*O Sanctum Solymæ prolis cur Stemma rubescis?*

*Christus ait moriens corpore nudus erat.*

*Quis te purpureo cocco vestiuit Apelles?*

*IESV; sanguineus me quoque pinxit amor.*

*Ergo rubere placet Rubicundi ò gloria CHRISTI?*

*Victoris decet hæc arma rubere DEI.*

Florianus Bartlinski eiusdem  
Lau. Cand.

1181I



*Admodum Reuerendum in Christo Patrem*

**D. STANISLAVM DZIANOT**

S. Th. D. Ordin. Canonici Custodum SS. Sepulchri

D. Hierosol. Conuentu Miechouien. Generalis Cu-

stodem Vigilantissimum S. Hedwigis Præpositum

Prothonatarium Apostolicum.

**E**stinat in occursum Tuum A. R. P. tenuis ac exigua opella mea, & inter Festivos gestientis Almae Matris Nostræ Academiae applausus, maximam Tibi hodiernæ Solemnitatis transmittit partem. Decet enim indefessum Tuum in promouendo cultu Diuino Zelum, & excitandis Diuæ Tutelaræ ruderibus insomnem sollicitudinem hac hodiernæ Laurearum Nostrarum redimere tessera: decet inquam Celebre in Sancto Ordine Nomen Tuum, etiam in Academici Senatus Arcopago clarescere. Tibi namque Nostri profectus primitiui fructus non solum hæreditario, sed & paterno iure debentur, qui Vetustissimæ Ordinis nostri insistentis consuetudini Academicis erudiendos disciplinis, & coronandos Laureis Ordinis tui FF. tradidisti, ut sic & Diuino honori incrementum, & S. Matri religioni decorem, & infractis laboribus tuis solatium prouideres. Enituit certe hic tuus in propagando Ordine. Sacri bono zelus, cum Tu A. R. P. deplorandis hisce temporum iniuriis multiformi hostium crudelitæ in exitium Nostrum efferuescente non modo saluti tuorum



prudenter consulisti, verum etiam quasi Noui Solis lumen  
post inuisam maroris tempestatem munificentissimis Regiæ Cle-  
mentiae dotatus gratijs Nobis non sine ingenti latitia affulisti.  
Fortis certè appellandus Atlas qui non iam illa aurea tempo-  
rum securitate, verum inter tot hostiles tumultus post deplo-  
randam bonorum & Ecclesiarum iacturam, post tot discrimi-  
na rerum tanto oneri ferendo non succumbat. Et quoniam in  
Celeberrima D. Iagellonis Aula Labores Nostri Philosophici  
die hodierna prima coronatur Laureâ; quorum Tu Adm. R. P.  
singulari patrocinio tuo in nobis promouendis non exigua pars  
videris: idcirco applausus huius Pœtici Te Patronum fore  
decreuimus. Si enim superstitiosa Antiquitas puteos ex qui-  
bus hauriebat aquas coronare non intermiserat? nos à Tuo A.  
R. P. patrocinio inundantes beneficiorum plenis alueis dum  
haurimus fructus, hacce debita gratitudinis vincemur obser-  
uantia aut superabimur officiis? absit. Quod non solum amor  
& propensio in Vigilantissimum Custodem pietas in exempla-  
rem Superiorem gratitudo beneficiorum erga Patronum, sed  
etiam Tuæ laude immortalis dignissimæ exposcunt Virtutes,  
quibus Vigilantissimus ad Sepulchrales Christi excubias Custod-  
um Custos medijs temporum tenebris lucet & resplendet. Ac-  
cipe igitur A. R. P. Custos hoc grati animi Memnosynon Pa-  
terno beneuoloe affectu, & eo quo, semel capisti fauore  
semper alumnum Tuum prosequi non desistas.

Hoc vouet &

precatur

Fr. Victorinus Radzimiński C. M. P.



D. O. M.

*Augustissimæ Cælorum Reginae*

*Diuisquè Tutelaribus:*

*Ode Tricolos Tetraastrophos*

**Æ**Terne mundi Conditor ò Deus  
Cui omne viuens poplite subdito  
Curuatur Vnum Tequè Trinum  
Ore pio resonat Monarcham  
Et Tu Supernæ delictum rotæ.  
Prolisque Virgo Sydereæ Parens  
Intacta semper Lechicæque  
Dulce iubar columenquè Matris  
Tum Tu Lycæi gloria splendidi  
Splendensque vitæ norma piissimæ  
CANTI IOANNES Sancte Doctor  
Præsidium Pater & Patrone  
Et quos serenat splendor Olympicus  
Sancti Dynastæ Lechica pignora  
Germen secundetis nouellum &  
Æthereo grauidate rore.  
Post tot Gradiui prælia bellaque  
Post mille mortes vulnera faucibus

Trucis Leonis quem superba  
Euomuit Thetys à Boote.  
Fæcunda Matrix has Academia  
Vestro decori dedicat hostias  
Digna eruditæ quas Sophiæ  
Nunc redimit graduatque Lauro  
Corona vestris ista Trionibus  
Debetur æque, cingite Tempora  
Æterna; Cælestes Senatus  
Et manibus geritore Sanctis  
Nostris coronis ludite ludite  
Aras ad Agni currite feruidi  
Vibrate Flores de canistris  
Dextra ferat nebulas odoris  
Prædas feroces in Thraciæ plagas  
Procul fugetis, aurea sæcula  
Reducat æther pax opima  
Sarmaticis reuifescat oris





*Clarissimos & Excellentissimos DD. Examinatores.*

**Q**Vis mihi Doctorum penetralia laude Virorum  
 Audeat & lepidis concelebrare metris  
 Non ego Castalijs immerſi labra fluentis  
 Ornauit me hederis nulla Camæna ſuis.  
 Aſt neglecta Chelys numeris reſonare vetuſtis  
 Incipit & læto tangere plectra ſono.  
 Vt Victor Getici poſt ſigna ferocia Martis  
 Feſtiuum læto concinit ore melos  
 Vel nauæ Zephyris appulſi littoris aluo  
 Cælitibus ſoluunt Sanctaque Vota DEO  
 Sic & noſtra cohors ter trinis candida Lauris  
 Læta triumphales fundat ab ore ſonos  
 Et tibi trina phalanx Dux ſacri docta laboris  
 Aternis ſpatijs iſte feretur honos.  
 Per vos inuenit ſtudijs ſpes noſtra coronam  
 Temporibus noſtris Laurea ſerta datis.  
 Per Vos ſuccubuit titulis fallacibus error  
 Nos Sancto induxit docta Minerva choro  
 Ergo triumphali transcendat Sydera curru  
 Fama: ſonent doctos ſæcula longa viros.

*Admo-*



*Admodum Reuerendo Patri*

**D. ALBERTO NVCERINO**

Artium Magistro & Philosophiæ Doctori : Ordinis

Canonici Conuentus Miechouiensis Professo.

Præposito Wrocimouiensi.

**D**Octa Parnassi properes caterua  
Eia festinos pede siste gressus

Rite concordi mediteris alnum

Pectore carmen

Tuquè Sacratae moderator Aulæ

Rector excelsi sapiens Olympi

Linque plaudentes tibi rite chordas

Pulcher Apollo

Ille qui primum redimitus almæ

Matris excelsâ renitens corona

Laureandorum generosa metro

Ausa sacrauit :

Ille qui post hâc Vigilans caducum

Ens Stagyraeis celebrauit aruis

Fascijs ausus sapientiæ arctam

Cingere mentem

Post vbi docta Satur à Minerua

Intulit nostro pretiosa claustro

Artium Doctor Sacer & Magister

Dona Sophorum

Hic Se-



Hic Sepulchralis celebris Lycæi  
Lector & Rector Solymæ iuuentæ  
Principi Regni Carolo Manipulum  
Obtulit vltro

Impiger nescit spatijs teneri  
Otij solers animus recurrit  
Eruditorum sociæ cohorti  
Bafia figens

Ergo felices numeres dierum  
Orbitas & tot Nucerine menses  
Cygneis velans onerosa Pastor  
Terga capillis

Prende condignæ monumenta laudis  
Laureatorum titulis honorum  
Hospes & fospes Nucerine felix  
Cresce beatus

Celsa consurgent tibi Saxa nostro  
Nata de Pindo decus & columna  
Ordinis Sancti cynosura fulge  
Ingeniorum

Has tibi recto modulatur ore  
Grata doctorum pietas laborum  
Suscitat largas Heliconis vndas  
Pignus amoris

Vine grandæui Mathusalis annos  
Nestoris longam superes senectam,  
Post det æternam tibi Rector otbis  
Viuere vitam



I. V. & R. P. PAVLO HEBDOWSKI III.

Ord. Canonici Con. Miech. Profes.

*Thure calent aræ fertisque recentibus halant.*

**G**ens Arabum dextris duntaxat thura beatis  
Colligit; & superos placat vbique Lares;  
Inde Numæ & Vestæ veneranda palatia claustris  
Ornabant fertis ritè comasque suis:  
Post iuga Romulidum sacris ornata coronis;  
Flammiuomis fuerant: igne cremata focis.  
Fors & odoriferis placatur Iupiter extis  
Et diadema virens fulmina nulla perunt.  
Ite procul veteris Pagani nomina cultus  
Ique profana tuis Ethnica secta vijs;  
Ecce Palæstinis oriunda Miechouia terris  
Ad Musæ Craciæ Laureæ ferta capit.  
Vt Lauri Vigiles exornent busta sepulchri  
Victorisque Dei viuida sculpta gerant.  
Ergo serenato Sanguis mi pectore gaude  
Fundeque Cælitibus vota sacrata tuis.  
Dum Sanctum penetrale subis dum iusta Sacerdos  
Persoluis Trino debita vota Deo  
Ordinibus cum Te Matris nunc inseris Almæ  
Atquæ capis docti Laureæ ferta Sophi;  
Laudum scande Vias; Diuinæ Præco salutis  
Orpheus ex hinc iam saxea corda trahes.  
Has animi dotes Docti stupuere Catones  
Palladis in gremio laudis honore vales  
Tullius eloquij suadam Stagyrita latentes  
Naturæ latebras dat tibi & artis opes.  
Zelator Validus, Sacri Succresce sepulchri  
Gratior Æthereis Mysta future choris.

III. V. D. IACOBO SIELECKI

*Tibi lilia plenius*

*Ecce ferunt Nympha calatbis.*

**L**ilia cælesti sponso charissima florum  
Candida Virginei signa colenda tori  
Hæc superant rubeo regalia Syrmata bysso  
His cedit nitidis candida texta fibris  
Non Salomonis opes non fuluo fusca metallo  
In solijs regnipurpura sic rehitet  
Quæres quis tantum folijs donauit honorem  
Auri præsidium quodque cacumen habet  
Aurea namque cohors splendoribus excubatillis  
Insomnes ducens nocte dieque moras  
Hos tibi despondet flores Iacobe Minerva  
Et flectit Sophicis florida sertagenis  
Aurifluus Ganges sapientia creditur esse  
Nam iuuenes Lauri murice sola beat.  
Hæc Te Laurigerum fecit Venerande Sielecki  
Eius præsidio fructus honoris habes  
Ipse mihi fandi copiam si porrigat Hebron  
Obruar immensi laude laboris ego  
In Studijs constans patientia ferrea vicit  
Tempora: nunc dignis condecoranda bonis,  
Te Virtus pietasque vocat super alta Senatus  
Culmina Palladij flos peramane chori  
Ecce tibi sacro prælucet sanguis honore  
I felix Studij callibus ingenui





IV V. D. BLASIO DROPCZYNSKI

*Esi non alium late iactaret odorem*

*Laurus erat*

**C**edite fragrantès Viridantiâ prata per hortos  
Cedant Hyblæo nata Vireta solo.  
Iam formâ certate mihi, certate venusto  
Corporis arbitrio iudice : Victoreo.  
Vestitus gracilis vobis est tempore verno,  
Has repetit dotes, bruma nouerca ferox,  
Semper Hyperboreos Laurus contemno Triones  
Nec cedunt gelido Laureæ membra polo  
Sola Tyberianis innecto ferta capillis,  
A me præsidium fulmen agente Ioue:  
Hisque Rebecca senex phantastica somnia pellit  
Subsidijsque meis mystica signa legit.  
Hoc tibi præsidium Dropczynski forte beata  
Contigit: hoc sedulâ mercede laboris emis  
Tu Lauro Craciæ redimitus en ecce palæstræ,  
Inuidiam spernes insidiasque feras.  
Conscendas igitur doctissima compita vates  
Vincere perdoctos noueris arte Sophos :  
Hanc Laurum redames ornes Virtutibus altis  
Illius in viridi tegmine tutus eris.

KI. V. D. IOANNI SZYDLÓWSKI

*Fraxinus Herculeæ est arbor umbrosa coronæ*

**H**erculis inuicti duodeno dextra triumpho  
Innotuit latis concelebrata plagis.  
Fraxineis tandem Victor redimitus adorêis  
Exhibuit magnis grandia spectra animis.  
Hoc tua Szydłoui Pallas fecisse videtur  
In se conuertens vultus & ora Patrum.  
Est laudis pars magna tuæ expolijſſe iuuentam  
Artibus ingenuis inuigilando ſatis  
O quoties Te Athleta Vigil ſuperando labores  
Ornauit Pallas laudibus eximijs!  
Atque triumphali præcinxit tempora Lauro  
Promittens celſos poſt ſua fata locos.  
Conſcendis felix excelsum culmen honoris,  
Artibus Herculeis præmia digna refers.  
Nunc ſtudeas Hydras infernalesque Dracones  
Fortis præſidio vincere Palladico.  
Per Syrtes ſtudioj dum tu genoroſe meabis  
Auxilium cæli vela ſecunda dabit  
Semita Virtutum celebris patet ito laboris  
Herculei fructus: fama ſuperſtes erit



VI. V.D. ALEXANDRO GRABACKI

*Qualis roscidulo florens Hyacinthus in horto.*

Est mihi Laconicæ gentis famosa propago  
Iunonis species est quoque forma poli.  
Flos ego purpureus Zephyri demesus amore.  
Me ferit inuitâ pulcher Apollo nece.  
Ast mihi cædes hæc pretioso soluitur auro  
Sum quia Apollineus flos hyacinthus ego  
Nullus Thymbræis sic obseruatur in aruis  
Vnguento fragrat Delphica dextra meo.  
Ambrosiâ nunc nunc Grabacki dignus amæna  
Dulcisono iuuenis concelebrande metro  
Qui genus & proauos à doctâ stirpe Lycæi  
Enumeras Cracios non sine laude Sophos  
Quos Lauro Vigili cinxerunt iura Galeni  
Iunxerunt magnis atque decore viris.  
Accipe Phæbeam à nobis Venerande coronam  
Inuictæ mentis sit Stephanoma tuæ.  
Confestim cursum studii tu perge paterni  
Laudandus magni dotibus ingenii :  
Vera loquar Cracii votis applaude Lycæi  
Iam nec Alexis eris ast hyacinthus eris

VII. V.

VI. V. D. ALBERTO SWOBODZINSKI

*Huc ubi flora rosas violas inspergit odorsque*

PVgnabant longo quondam certamine flores  
Imperium cuinam Sceptraque danda forent.

Princeps Flora potens decreto iurgia sedat

Regnum purpureis contulit ipsa rosis.

Empyreis certè flos hic processit ab oris

Sanguinei Christus quando coloris erat

Spinæ sunt artes rosa quas comitatur odore

Gratæ sunt docto semper odore rosæ

Hæc suavissima sunt morientis vulnera veris

Exitus est gracilis vita venusta rosæ.

Ecce tenes magnæ Swobodzini præmia laudis

Carpe rosas famæ symbola longa tuæ

Hoc tuus ille labor studiorum in vepribus hærens

Confert atque rosâ te redimire cupit.

Signum Martirij flos hic est atque pudoris

Swobodini Martyr Palladis esse velis.

Promittit tibi præcellas Academia fellas

Sanctis virtutum passibus ingredi.

Polles ingenij venerandis dotibus almus

Gratior Hyblæis sit tua Suada rosis.



VIII V.D. GASPARO STACIEWSKI

*Aurea sub calum cono porrecta Cupressa.*

Natura hoc donum gracili largita Cupresso  
Integer in solidis creditur esse poris  
Nulla nocent illi grandævæ lustra senectæ,  
Nullum vulnus ei nulla putredo nocet.  
Hincque rotunda polis profert spectacula celsis  
Spirans æternum non sine laude decus:  
Nomina magnorum Cyparisso sculpta virorum,  
Narrabant sæclis Martia gesta suis.  
Et tibi Cupressus laudis Generose Staciewski  
Laurigerum & capiti debet adesse iubar.  
Opprimor excelsum cernens virtutis amorem,  
Cui pretium Sophiæ non leve cura dedit.  
Namque triumphanti toties spectatus arenâ.  
Cæpisti ingenio præmia digna tuo  
Suggestu Cyneæ, fando Platonis alumnus  
Diceris & numeros emeruisse meos.  
Sic quod habes virides dignissima præmia Lauros  
Supponas Sophico colla benigna iugo.  
Præcellas semper conscendes crede curules  
Virtutes arti iungito amore pari.

IX. V. D. FLORIANO BARTLINSKI

*Ipsa tibi blandos fundunt cunabula flores.*

Plerides Magni Cytheronis pignora Musæ  
Ludite nunc pulchrâ florigerâque manu.  
Vati Palladico centum concedite voces  
Ros & Apollineus influat eloquio.  
Martia non tenui depingam carmine gesta  
Exhorret mundi cantica sacra chelys,  
Sed placet insueto Florianum psallere plectro  
Materies iusti pulchra laboris adest.  
Palladis edoctæ Bartlinski verus alumne  
Cui dat Laurigeram Cracia Musa rotam.  
Cingito Daphnæis tua tempora cingito sertis  
O Flos ò Cytharæ gloria sera meæ  
Floridus es crescas sanctæ pietatis amore  
Ne extinguat studium nix, tepor, alor, hyems  
Laurigeræ iam nunc submittas colla coronæ  
Altius augustum perfer ad astra caput.  
Hanc tibi magnanimi laudem peperere labores  
Hanc tibi sudores rite dedere tui.  
O Superi seruate meæ nouaserta Thaliæ  
Sint iubar & mundo sint decus Ecclesiæ.

C

*Suavis-*



V. & R. VICTORINO RADZIMINSKI  
Canon. Regul. Custod. SS. Sepulchri Hierosolymitani  
Primæ Laureæ Candidato.

ALEXANDER GRABACKI  
eiusdem Laureæ Candidatus Amoris Symbolum D.C.

**P**urpurei cum sis flos fragrantissimus horti  
Plantauit Summi quem manus ipsa DEI.  
Cisque Solymæum iussit vernare Sepulchrum  
Quemque suo roseis corde rigauit aquis  
Non equidem miror, Veris Te florida Nobis  
Munera vernanti distribuisse manu,  
Militiæ CHRISTI quid enim nisi grande rosetum  
Ordo Sacer dici, delictumque potest?  
Sanguinei Patrum quem plantauere labores,  
Virtutum magnus quem decorauit honos;  
Palladiæ Laurus, Doctoralesque Coronæ  
Summorum ornantes tempora docta Virum.  
Quem toties cinxere suis insignibus : in quo  
Tam Sophiæ summus quam Theologus apex  
Insignes tulerat meritis virtuteque Patres  
Siue Nakielsciadas Sliusciadasue loquar.  
Totque alios Cælo transcriptos : Zbikouiosque  
Eloquij Sacro nectare mellifluos :  
Quosque fauens decori vestro conseruat Olympus  
Quos celeri sequeris consequerisque gradu  
Eloquio Cytharæque potens, suauissime Vates  
Mystarumque iubar Phæbigenumque decus  
Laurigeræ Nobis lectissima dona Coronæ  
Quod Cytharæ donant dulcia plectra tuæ  
Tot Tibi vota meus Cælogratur Apollo  
O vtinam florum flos habere breui.

Eidem

# Eidem

## *Fraterna gratitudinis ergo*

**C**Ygneo Vates resonans tenore  
Gratus applausu Lyrico sonorum,  
Orpheus: Nostras canis erudito  
Carminc laudes.

Laurei ferti socius fidelis  
Ore sacrato modularis almas  
Artium curas, vigiles labore  
Palladis effers.

Turtur ad Veris peramæna lustra  
Nobiles Lauros numeris adornas  
Næcias tristes Suetici furoris  
Pellis Apollo.

Vincis in laudes animos Virorum  
Et meas pulchris numeris reportans  
Stringis in laudum monumenta VICTOR.

RINE Camænas.



Parce contracto cumulo sonorum  
Nòn tuas laudes recitet Sodale  
Carmen: in laudem hanc memoranda plausu  
Fama perennet.

*Paulus Hebdowski Can. Reg.*

*SS. Sepulchri Hierosol. eiusdemq;*

*Laurea Candidatus*





Sub

FELICIBVS AVSPICIIS

*Clarissimi, Excellentissimi, & Magnifici Domini.*

D. FRANCISCI ROLINSKI

Philosophiæ & Medicinæ Doctoris ac  
Professoris Consulis Cracouien.

Almæ Vniuersitatis

R E C T O R I S

Vigilantissimi.

Bg. 1. 18



I  
ac



